



15
1301
3



1061
5

唐文拾遺目錄第八

榮祿大夫三品頂戴前分巡廣東高廉道加四級 臣陸心源輯

唐文拾遺卷六十一

闕名九

上柳學士書

上柳侍郎書

使至帖

奉禮帖

不倦帖

清慎帖

門 4 5
號 1301
卷 3

神州等第錄序

善興寺舍利函記

裴琳德政記

唐石堂山高涼靈泉記

董日進造石浮圖記

殷審續造石浮圖記

唐益州學館廟堂記

明覺寺持律比丘尼心印記

王二娘造石浮圖像記

唐觀心寺禪律故尼大德墳前尊勝石幢記

昭和十一年
二月十四日
購求

尊勝陀羅尼經幢記

唐重修化城龕記

唐寶禪院造象記

秦府十八學士寫真圖記

鹿泉寺造象記

比丘尼等造石浮圖殘記

唐張公口造像記

唐造像記

趙仁珪造釋迦象記

懷州河內縣西金城創修功德院記

虎跑寺經幢

判官堂塑象記幢

蜀報國院西方并大悲龕記

花塔寺玉石佛座題字

佛頂尊勝陀羅尼石幢讚 并序

題賈浪仙讚

又讚

佛象讚

唐文拾遺卷六十二

闕名十

孫文才遺像銘

大周相州安陽靈泉寺故寺主大德智口師像

塔之銘 并序

大唐相州安陽縣大雲寺故大德靈慧法師影

塔之銘

唐故方律師像塔之銘

刹下銘

多寶塔銘

唐故優婆姨段常省塔銘 并序

唐故福林寺戒塔銘 并序

大周穎川許乾爲修業夫人故東海徐氏龍門

山石龕像碑銘 并序

唐武德禱雨辟邪鑲鐵鏡銘

唐宮鏡銘 唐鳳皇鏡銘 鐘鏡銘

唐二十八宿鏡銘

唐璧水鏡銘

唐滿月迴文鏡銘

八卦菱花鏡銘

唐素月鏡銘

唐透光鏡銘

唐鑑心鏡銘

大唐故騎都尉濮州濮陽縣令于君之碑

唐越州都督于德芳碑

大唐故左監門大將軍襄城郡開國公樊府君

大碑銘 并序

唐文拾遺卷六十三

闕名 十一

唐隴西李氏清河太夫人之碑

修寺鑄鐘碑

大唐孝昌公許君墓碑

大字缺八上柱國李君莫高窟口龕碑并序

唐盟碑

大唐河西道歸義軍節度索公紀德之碑

唐羅漢寺碑

唐金滿縣殘碑

大唐雍州同官縣口口武定村碑之銘

後唐毘沙門佛龕碑

勅賜光福寺碑

本願寺銅鐘銘碑陰

化度寺僧海禪方墳碣

唐造像碣

唐文拾遺卷六十四

闕名十二

大唐故齊府功曹參軍尹君墓志

大唐故荊州松資縣令湯府君妻傷氏墓志銘

并序

唐故王君墓誌銘并序

大唐蜀王故西閣祭酒蕭公墓誌

大唐太子左衛杜長史故妻薛氏墓誌銘并序

大唐故駙馬都尉衛尉少卿息豆盧君墓誌銘

并序

梁君夫人成氏墓誌

大唐故處士張君墓誌銘

大唐故張君之銘

大唐濟度寺故比丘尼法燈法師墓誌銘 并序

大唐故左親衛裴君墓誌銘

唐孝廉張君墓誌銘 并序

大唐故韓君之墓誌

口處士張君墓誌銘 并序

王君諱留字留生墓誌銘 并序

淨土寺西院故大德禪和尚塔銘

大唐故亡宮六品墓誌

大唐故祕閣歷生劉君墓誌銘 并序

大唐故瀛州口城縣令宋府君夫人王氏墓誌

銘 并序

唐文拾遺卷六十五

闕名 十三

大唐故辰州辰溪縣令張君墓誌 并序

大字 缺四 都督上柱國口口郡開國公孫管真墓

誌

大唐故大都督王府君夫人祿氏墓誌銘 并序

大唐濟度寺故比丘尼法樂法師墓誌銘 并序

大唐故幽州范陽令楊府君夫人韋氏墓誌銘

大唐故朝請大夫張君墓誌銘

大周朝散大夫上柱國行司府寺東市署令張府君妻田鴈門縣君墓誌文

唐故僕寺廐牧署令蘭君墓誌銘

大唐故秦州都督府士曹參軍顏君墓誌銘

大唐故朝散大夫金州西城縣令息梁君墓誌銘

唐故魏州昌樂縣令孫君墓誌銘 并序

袁氏墓誌

唐故媯州參軍趙府君墓誌

大唐故右衛中郎將兼右金吾將軍同安郡開

大國公鄭府君墓誌銘 并序

唐故榮州長史薛府君夫人河東郡君柳墓誌

銘 并序

唐故口口縣開國男行貝州司兵參軍口口府

君墓誌 并序

曹氏譙郡君夫人墓誌銘 并序

大唐銀青光祿大夫金滿州都督賀蘭軍大使

沙陁公故夫人金城縣君阿史那氏墓誌銘

唐文拾遺卷六十六

闕名 十四

唐故三十姓可汗貴女賢力毘伽公主雲中郡

夫人阿那氏之墓誌 并序

大唐女子唐端墓誌銘

大唐故騎都尉智君之銘 并序

大唐故冠軍大將軍行右威衛將軍上柱國金

城郡開國公李公墓誌銘 并序

大唐大安國寺故大德惠隱禪師塔銘 并序

大唐故高士王府君墓誌銘
宜祿府折衝都尉口君墓誌銘

大唐故西河郡平遙縣尉王府君墓誌 并序

唐故定遠將軍守左武衛將軍員外置同正員

上柱國內長入供奉張府君墓誌 并序

唐故銀青光祿大夫行內侍員外置同正員上

柱國張公夫人鴈門郡夫人令狐氏墓誌銘

并序

唐故將士郎守邠州蟬川府長史焦公墓誌 并序

唐故畢府君墓誌 并序

唐故石府君墓誌銘 并序

大唐故成德軍節度下左金吾衛大將軍試殿
中監石府君墓誌銘 并序

唐京兆季愛子墓志

唐故東海徐府君夫人彭城劉氏合祔銘 并序

唐文拾遺卷六十七

闕名 十五

唐舒論墓誌銘
唐故國子律學直講仇君墓誌銘并序

唐故承務郎試左武衛兵曹參軍攝無極縣令

天水趙公墓誌銘 并序

唐處士陸君墓志銘

唐故陳府君墓誌銘

唐故陸氏廬江郡何夫人墓誌銘 并序

米氏女墓誌銘

唐故劉府君墓誌 并序

唐故右內率府兵曹參軍朱府君夫人南陽樊

氏誌銘 并序

前長安縣尉楊籌女母王氏墓誌

唐故□川于府君墓志銘

唐故湯府君墓誌銘 并序

唐梅□□墓誌銘

孫夫人墓志

唐故河中府左果毅都尉高府君墓誌

唐貞士韋君墓志

梁故東海徐氏夫人墓誌銘

大唐故府君墓誌銘

王夫人墓誌銘 并序

大唐故冠軍大將軍代州都督上柱國許洛仁

妻襄邑縣君宋氏夫人墓誌 并序

毛藻墓誌銘

唐故上騎都尉通直郎行永康令杜府君夫人

朱氏墓誌銘 并序

唐王五從高叔祖易定等州 缺 上柱國李公故

夫人遼東榮 下缺 墓志

唐中岳沙門釋涵如禪師行狀

唐文拾遺卷六十八

新羅真德女主勝曼

太平頌

新羅文武王金法敏

赦教

冊安勝爲高勾麗王詔

遺詔

乞罪表

報薛仁貴書

新羅宣德王金良相

遺詔

新羅興德王金秀宗

戒奢習教

新羅僖康王金悌隆

遺詔

新羅神武王金佑徵

拜張保皋鎮海將軍教

新羅眞聖女主曼定

禪位上唐帝奏

新羅景明王朴昇英

有唐新羅國故國師謚眞鏡大師寶月凌空之

塔碑銘

并序

新羅敬順王金傳

上高麗王建書

金庾信

中嶽告天誓詞

祭落星文

薛聰

諷羅王文

金弼奚

聖德大王銅鐘之銘

金陸珍

唐蓋藏寺碑

金力奇

請授故主俊邑封冊歸國表

金柱弼

請牒傍海州縣任新羅良口歸國奏

金穎

新羅國武州迦智山寶林寺謚普照禪師靈塔

碑銘

金口口

闕名

新羅文武王陵之碑

闕名

新羅鏡文

唐文拾遺卷六十九

突厥可汗默啜

移書

吐蕃贊普棄宗弄讚

致長孫無忌書

高麗國王王建

喻羣臣詔

又

待蕃人詔

定征賦詔

收百濟令

高麗國王王金堯

褒獎王式廉詔

庾黔弼

上高麗王王建書

崔彥撝

有唐高麗國海州須彌山廣照寺故教謚真澈

禪師寶月乘空之塔碑銘

有晉高麗中原府故開天山淨土寺教謚法鏡

大師慈鑑之塔碑銘

高麗國彌智山菩提寺故教謚大鏡大師元機

之塔碑銘

唐文拾遺卷七十

崔彥攜

高麗國溟州普賢山地藏禪院故國師朗圓大

師悟真之塔碑銘

晉高麗先覺大師遍光靈塔碑

孫紹

唐高麗大安寺廣慈禪師碑銘

李靈幹

高麗三川寺大智國師碑

碑陰記

闕名

有晉高麗國踊巖山五龍寺故王師教誡法鏡

大師普照慧光之塔碑銘

成忠

獄中上書

福信

遷避城議

觀勒

上日本王請赦僧尼奏

後百濟王子神劍

赦境內教

鐵勒諸部十一姓

乞置漢官奏

唐文拾遺卷七十一

日本女主推古

答大臣詔

檢校僧尼詔

遺詔

賜鞍作烏大仁位勅

祭祀神祇勅

推問僧尼勅

與唐帝書

日本國王孝德

薄葬詔

禁厚葬及強祓除詔

罷品部詔

賜庸調詔

罷穿瀆詔

白雉見詔

改元白雉詔

勅國司詔

設鐘匱詔

聚僧尼詔

錄民元數詔

改新詔 一

改新詔 二

改新詔 三

改新詔 四

幸宮東門詔

處斷臣下奉法違令詔

戒朝集使詔

盟羣臣文 上縣詔

日本女主齊明 後詔

救百濟詔 等詔

日本國王天智

問藤原內大臣詔

日本國王天武

治病全身詔

遣村國連男依等詔

選簡才能詔

除部曲詔

隨事罪犯詔

諸國貸稅詔

禁造檻牢詔

賞惠尺子孫詔

赦徒罪詔

原東漢直等詔

議文武官優劣詔

拜兄姊以上親詔

設細馬詔

糾彈暴惡詔

僧尼養老詔

官治諸寺詔

求言詔

改法式詔

親王以下服用詔

收大小角鼓吹等詔

男女結髮詔

考選族姓詔

糾彈犯法詔

定氏族詔

三足雀示羣臣詔

試練馬兵詔

男女衣服詔

作八色之姓詔

免貧乏貨財詔

日本女主持統

赦皇子大津從坐詔

從沙門行心詔

役身不得役利詔

皇准麻呂等出家詔

與新羅吊使級食金道那詔

選定九等詔

賜直廣肆筑紫史益食封詔

律百姓從良詔

禁訟言奴婢詔

中禁酒詔

醴泉詔

唐文拾遺卷七十二

日本女主孝明

太和國東大寺聖武帝銅板勅書

上宮廐戶豐耳聰太子

憲法

中大兄皇子

獻部口屯倉奏

朴市田來津

諫都避城議業史益負桂臨

廣相

神護寺鐘銘序金尊殿

是善

神護寺鐘銘

源順

倭名類聚抄序

僧空海

七祖贊

大和州益田池碑銘并序

下野國日光山碑

闕名

葛城爲封縣奏

佛跡石臺刻字二首

上野國山名村碑

下野國那須郡湯津上村國造碑

多賀城碑

上野國多胡郡真井村碑

小納言正五位下威奈卿墓誌銘 并序

南圓堂銅燈臺銘 并序

道澄寺鐘銘

唐文拾遺卷之一

榮祿大夫三品頂戴前分巡廣東高廉道加四級 臣陸心源輯

高祖皇帝

事蹟詳全唐文卷一

勞王君廓詔

卿以十三人破賊十萬自古以少制眾未之前聞非

惟驍勇絕人亦足顯卿忠節也 冊府四百十九

問慧乘詔

道士潘誕奏悉達太子不能得佛六年求道方得成佛是則道能生佛佛由道成道是佛之父師佛乃道



之子弟故佛經云求於無上正真之道又云體解大道發無上意外國語云阿耨菩提晉音翻之無上大

續高僧傳三十一

禁非禮祈禱詔

私家不得輒立妖神妄設淫祀非禮祈禱一切禁斷龜易五兆之外諸雜占亦皆禁止

唐會要四十四

曲降十二軍界詔

門下朕膺籙受圖君臨區宇承凋弊之餘俗拯黎元於塗炭夕惕思又日旰忘勞每念粟帛不豐人多匱乏干戈未戢獄犴猶繁納隍之慮無忘寢食然而神

皋奧區京畿攸在四方輻湊之所萬國朝宗之地頃年薄伐師旅荐興行役轉輸不遑寧息加以往因喪

亂條章廢

下文館詞林六百七十

問佛教何利益詔

棄父母之鬚髮去君臣之章服利在何間之中益在何情之外損益二宜請動妙釋

續高僧傳三十二

先老後釋詔

老教孔教此土先宗釋教後興宜崇客禮令老先次孔末後釋

續高僧傳三十一

置大中正敕

每州置大中正一人掌知州內人物以本州聞望者兼領無品秩

唐會要六十九

定服飾勅

三品已上服大料紬綾及羅其色紫飾用玉五品已上服小料紬綾及羅其色朱飾用金六品已上服絲布雜小綾交梭及雙紉其色黃六品七品飾銀八品九品鑰石流外及庶人服細絹絕布其色通用黃白飾用銅鐵

唐會要三十二

賜李靖手勅

既往不咎何憂何懼今日以去心中更不須憶舊事

吾久忘之矣

冊府九十九

賜秦王手勅

賊勢如此難與爭鋒宜奔河東之地謹守關中而已

冊府九十九

褒武士護勅

此人忠節有餘去年兒天今日婦亡相去未遙未嘗言及遺身殉國舉無與比

冊府六百二十七

太宗皇帝

事蹟詳全唐文卷四

答羣臣請修太和宮手詔

比者風虛頗積爲弊至深況復炎景蒸時溫風鏗節
沈疴屬此理所不堪久欲追涼恐成勞擾今卿等有
請卽相機行

唐會要三十

建波斯寺詔

道無常名聖無常體隨方設教密濟羣生波斯僧阿
羅本遠將經教來獻上京詳其教旨元妙無爲生成
立要濟物利人宜行天下所司卽於義甯坊建寺一
所度僧廿一人

唐會要四十九

房元齡充京城留守詔

公當蕭何之任朕無西顧之憂矣軍戎器械戰士糧

廩並委卿處分發遣

唐會要六十七

答李百藥手詔

省所和詩極爲佳作何身之老而才之壯齒之宿而
意之新乎

冊府九十七

褒孔穎達上釋奠頌手詔

省所上頌殊爲佳作循題發函清辭爛其盈目啟封
申紙逸氣飄以凌雲驪龍九重不足方斯綺麗威鳳
五彩無以比其鮮華楊雄揆天高蹤何遠黃香日下
茂軌猶存尋讀周環彌覺欣翫卿夙挺珪璋早標令
譽網羅百氏包括六經思涌珠泉情抽蕙圃關西孔

子更起乎方今濟南伏生重興乎茲日庶令弘四科
於縑帙闡百遍於青襟翰苑詞林卿其首之也冊府
六百

覆奏死刑詔

死刑雖令卽決仍三覆奏在京五覆奏以決前一日

三覆奏決日三覆奏惟犯惡逆者一覆奏著于令唐
會

要四
十

允八座忌日仍理軍務詔

今既戎旅大事不可失在機速所以仰順古風俯從

今請唐會要
二十三

獲石瑞曲赦涼州詔

門下昔朱鳥降於周代君臣動色黃龍見於漢室天
下稱慶況乃禎祥顯著靈眷昭然者哉朕嗣守宗祧
夙夜夤畏憂勤在於政道撫育遍於含生十七載于
茲矣上玄儲祉貞石表瑞成命發於文字事高振古
冥符邁於河洛祚表無疆朕是以式備禋燎躬謝蒼
昊逮于儲兩亦申虔拜玄冬式序黃鍾在律朔風既
切飛雪載零及長至在辰同雲倏卷既升泰壇爰奉
玉帛六合開朗愛日揚光兩儀交泰靈貺允集神祇
介福豈獨在予和樂之慶宜被率土可賜天下大醜

三日自漢魏以來及於近代每有大慶或賜牛酒然牛之為用耕稼所資多有宰殺深乖惻隱其男子年七十以上令州縣各量給酒米麵並以官物充涼州之地嘉瑞攸出加恩之典抑有舊章涼州都督府一州及所管縣大辟罪以下見禁囚徒並宜原放其十惡故殺人劫賊傷人竊傷人謀殺人已傷官人枉法受財監臨主守自盜盜所監臨悉不在施限都督府官人及當州折衝府并縣官人並宜賜會以官物充仍令通事舍人一人馳驛往宣詔并看會涼州百姓給復一年金紫光祿大夫行同州刺史檢校都督安

康郡開國公李襲譽賜絹一百疋所管縣令賜絹卅疋囚繫之徒雖有罪譴因茲嘉慶彌用哀矜其京城見禁囚徒宜令皇太子諱慮過其諸州囚徒遣使分道馳驛往慮十惡皆不在慮限訖並奏聞仍令所司

具為事條

文館詞林六百六十七

立皇太子大赦詔

門下朕祇膺靈命嗣守鴻基孜孜於政道兢兢於寶位中夜求衣日旰忘食十七載于茲矣實欲敦睦九族平章百姓濟斯人于仁壽反澆風于涓樸永言前載詳思至道以為儲貳之重宗祧所繫不肖者既為

億兆廢之明德者又為社稷立之三口既隆四海攸
賴七廟之祀有寄萬代之祚方永元良之慶豈獨在
予宜布愷澤被之率土可大赦天下自貞觀十七年
四月十七日昧爽以前大辟罪以下罪無輕重已發
覺未發覺已結正未結正皆赦除之

文館
詞林

誕皇孫恩降詔

門下固宗祧者允屬元良隆本枝者實資祚允周德
所以休明漢歷於焉長久朕祇奉靈睠臨御帝圖天
地降祉宗社垂祐令月嘉辰嫡孫誕育祥發高禩事
踰甲觀一人之慶既洽萬葉之祇無疆宜布愷澤被

之億兆天下見禁囚徒咸宜降罪死罪從流流從徒
徒以下罪並放其犯十惡常赦所不免官人枉法受
財監臨主守自盜盜所監臨劫賊傷人故殺人謀殺
人已加功者並不在降限內外官職事五品以上子
為父後者各加勳官一轉天下大酺五日其去年收
儉之處百姓既有少乏不在大酺之限

同上

明經兼習周禮儀禮減選勅

自今已後明經兼習周禮若儀禮者於本色內量減

一選冊府六百
三十九

給內外官地子勅

內外官職田恐侵百姓先令官收慮其祿薄家貧所以別給地子去歲緣有水旱遂令總停如聞卑官頗難支濟事須優恤使得自資宜准元勅給其地子冊府五百

賜荊州都督武士護手勅

公比絜冬冰方恩春日姦吏豪右畏威懷惠善政所暨祥祉屢臻白狼見于郊坰嘉禾生于隴畝其感應如此冊府六百八十一

章敬寺設齋勅

章敬寺是先朝創造從今已後每至先朝忌日常令

設齋行香仍永為恆式唐會要四十九

問法琳臨刃不傷勅

所著辨正論信毀交報篇曰有念觀音者臨刃不傷且赦七日令爾自念試及刑決能無傷不續高僧傳三十二

敘勞進階例勅

散位一切以門蔭結階品然後依勞進敘凡入仕之後遷代則以四考為限四考中中進年勞一階每一考中上進一階一考上下進二階五品以上非特恩刺史無進階之令冊府六百三十五

決囚日進蔬食勅

前勅在京決死囚日進蔬食自今以後決外州囚第
三日亦進蔬食

唐會要
四十

與干乾長勅

勅交州都督府司馬干乾長交州重鎮控馭夷夏二
佐之任不易其人遂安公壽雖是宗室近親未經臧
務須相匡弼其行善道聞卿乃背公向私唯存諂媚
非理之事動必贊成奉法之人卽共排毀彼都督府
長史李玄明居官清慎每存正直卿與都督疾之若
讎計卿此情難可容恕但以遠道察訪恐未詳審所
以不卽加罪更令委訪卿宜自勉勵改往修來若此

行不除必無縱捨之理宜知

文館詞林六
百九十一

授杜如晦等別檢校官勅

勅兵部尙書蔡國公杜如晦刑部尙書永康縣公李
藥師勳望之重情寄攸深雖成務禮闈宜參掌樞祕
如晦可檢校侍中藥師可檢校中書令

同上

命房玄齡檢校禮部尙書勅

勅中書令邢國公房玄齡勳高情舊望重寄深文昌
政本參贊攸屬可檢校禮部尙書事

同上

請勿弃河東表

太原王業所基國之根本河東殷實京邑所資若舉

而棄之臣竊憤恨願假精兵三萬必望風平殄武周
克復汾晉冊府十九

請慧淨爲普光寺任令

紀國寺上座慧淨法師名稱高遠行業著聞綱紀伽
藍必有弘益請知寺任續高僧傳卷三

骨利幹名馬敘

骨利幹獻馬十匹特異常倫觀其骨大業粗鬣高意
闊眼如懸鏡頭若側搏腿像鹿而差圓頸比鳳而增
細後橋之下促骨起而成峰側韉之間長筋密而如
瓣耳根鐵勒杉材難方尾本高麗掘搏非擬腹平賺

小自勁馳驅之方鼻大喘疎不乏往來之氣殊毛共
櫛狀花藻之交林異色同羣似雲霞之間彩仰輪鳥
而競逐順緒氣而爭追噴沫則千里飛紅流汗則三
條振血塵不及起影不暇生顧見彎弓逾勁羽而先
及遙瞻伏獸占人目而前知骨法異而應圖工藝奇
而絕象方馳大宛固其駑蹇者歟唐會要七十二

使至帖

使至辱書知公所苦少可慰意何言不知信復更復
何似時氣漸冷善將息所請景賢公卽宜留聽追然
後遣苦無好藥更遣揀擇今爲北邊動靜奉勅卽行

相去大近信使非遙實情欣悅耳遣無一
李世民呈
東都帖

東都今年別稅草今既不去並停常稅草彼處應無
用處宜減納卽早處分勿遲勅九日

服蜀葵帖

卿昨日道服蜀葵可錄方將來勅廿三日

唱箭帖

唱箭處只道官號及姓不唱名不知是何人想宜應
合唱名勅三日

臨朝帖

比者久嬰沉疾虛弊何言昨日臨朝略無勞憊看此
稍望平復未知於後何如且用慰心自怡而已昨夜
痛發少覺勞弊所以不能相見若有事進勅十一日

昨日帖

昨日來體履似漸可始聞卿不佳旦來何似勅

平復帖

三五日來漸望平復所以不能相見恐更勞發勅

道宗帖

卿與道宗誰已得多馬明當至故遣問卽報勅十四
日所疾者漸可不至憂耳

北邊帖

北邊始有表至甚無事故書相報勅

八柱承天帖

八柱承天乾道由其廣運四維紀地坤元所以載安
是知締構經綸必伉風雲之佐燮諧樞宇咸資川嶽
之靈故軒邱御展六相宣其景化媯水乘時五臣濟
其鴻業

氣發帖

數日來氣發今日服一飲子不得相見有事進狀勅
中書門下三品廿七日

門下中書省帖

門下中書省及侍郎給事中舍人員外郎鎧曹參軍
左右庶子明日移營向五橋一二里著勅三日

患痢帖

數日來患痢今雖稍可猶自虛溼欲三五日將息諸
司有事進狀勅十一日

並清化閣帖

高宗皇帝

事蹟詳全唐文十一

量敘隋齊忠烈子孫詔

隋儀同三司豆盧毓御史中丞游楚客齊侍中崔季

舒給事黃門侍郎裴澤並標忠烈其子孫令所司量
材敘用

唐會要
四十六

廣召解律人詔

律學未有定疏每年所舉明法遂無憑准宜廣召解
律人條義疏奏聞仍使中書門下監定

唐會要
三十九

毀剔寶鈿鞍轡詔

朕近尋殿中舊帳寶鈿鞍轡甚多既非所須徒煩貯
掌其殿中供奉及妃嬪已下寶鈿並金裝鞍轡韉鞞
等並宜令毀剔各依儀式須賜人者量留

唐會要
三十二

申嚴婚姻受財詔

後魏隴西李寶太原王瓊滎陽鄭溫范陽盧子選盧
渾盧輔清河崔宗伯元孫凡七姓十一家不得自爲
婚姻仍自今已後天下嫁女受財三品已上之家不
得過絹三百匹四品五品不得過二百匹六品七品
不得過一百匹八品以下不過得五十匹皆充所嫁
女貲妝等用其夫家不得受陪門之財

唐會要
八十三

搜訪賢才詔

內外官四科舉人或孝悌可稱德行夙著通涉經史
堪居繁劇或游泳儒術沈研冊府下帷不倦博物馳
聲或藻思清華詞鋒秀逸舉標文雅材堪遠大或廉

平處事強直爲心洞曉刑書兼包文藝者精加搜訪
各以名薦

冊府六百四十五

禁斷惡錢詔

天下惡錢並令禁斷錢令初下或恐艱辛宜量出米
十萬石令府縣及太府寺選交易穩便處所分置依
時價糶與百姓收取惡錢使送少府監搗碎

唐會要八十九

行幸戒煩擾詔

來年行幸岱宗州縣不得浪有煩擾其水淺可涉不
可繕造橋梁所行之處亦勿開道路諸州及寺觀并
百姓不得輒獻食

唐會要卷七

給京外官俸料詔

京文武官應給防閑庶僕俸料始依職事品其課及
賜各依本品凡京文武正官每歲供給俸食等錢總
十五萬二千七百二十貫員外官不在此數外官則
以公廩田收及息錢等常食公用之外充月料以長
官定數其州縣少尹長史司馬及丞各減長之半大
都督府長史副都督別駕及判司准上佐以職田數
爲加減其參軍及博士減判司主簿縣尉丞各三分
之一諸內員外同正員者祿料賜會食料一事以上
並同正員其不以同正員者祿賜食料亦同正員餘

各給半職田並不給

量停律外決杖詔

別令於律外決杖一百者前後總五十九條決杖既多或至於死其五十九條內有盜竊及蠹害尤甚者今後量留一十二條自餘四十七條並宜停

唐會要四十

令王公百姓出錢充官人俸料詔

廩食爲費同資於上農歲俸所頒並課於編戶因地出賦則沃瘠未均據丁收物則勞逸不等俾之富教其可得乎永念於斯載懷釐創如聞文武內外官應給俸料課錢及公廨料度封戶租調等遠近不均貴

賤有異輸納簡選事甚艱難運送腳錢捐費實廣公廨出舉迴易典吏因此侵漁撫字之方豈合如此宜令王公已下百姓已上率口出錢以充防閤庶僕邑士白直折衝府仗身并封戶內官人俸食等料既依戶次貧富有殊載詳職務繁簡不類率錢給用須有等宜具條例并各逐便

冊府五
百五

定文武官進階例詔

比來文武官計至三品一計至者多未甄擢再計至者隨例必升賢愚一貫深乖獎勸今後一計至已上有在官清慎材堪應務者所司具狀錄奏當與進階

若公正無間循默自守及未經任州縣官雖再經計至亦不在加階之限

唐會要八十一

孝敬皇帝祔廟勅

孝敬皇帝神主再葺之後宜祔于太廟之夾室遷祔之日神主遍朝六廟仍令禮官考覈前經發揮故實具為儀制副朕意焉

唐會要十九

選人試經史授官勅

司戎諸色考滿入選司列諸色考滿入流人並兼試一經一史然後授官

冊府六百二十七

詳議選政勅

勅吏部兵部選人漸多及其銓量十放六七既疲於來往又虛費資糧宜付尚書省集京官九品已上詳

議同上

停追收魚袋勅

恩榮所加本緣品命帶魚之法事彰要重豈可生平在官用為褒飾纔至亡沒便即追收尋其始終情不可忍自今已後五品已上有薨亡者其隨身魚袋不須追收

唐會要三十二

功臣致仕加階勅

功臣貞觀三十六年已來簡退者特宜同致仕例其

太原元從及秦府左右仍各加階先有正四品者不在此例唐會要四十五

定夷船市物例勅

南中有諸國船宜令所司每年四月以前預支應須市物委本道長史船到十日內依數交付價值市了任百姓交易其官市物送少府監簡擇進內唐會要六十六

忌日廢務勅

高祖大武皇帝既開洪業不可限以常禮忌日特宜廢務唐會要八十二

沛王賢判尚書省勅

尚書省與奪事及須商量拜奏事等文案並取沛王賢通判其應補擬官及廢置州縣并兵馬刑法等事不在判限唐會要卷四

定諸州長官選改例勅

諸州都督刺史及上佐見執魚契者中間選改須有分付其有選改無三官者且留知州事待攝官及三官內一人至任依常唐會要六十九

免賤為良勅

放還奴婢為良及部曲客女者聽之皆由家長手書長子已下連署仍經本屬申牒除附諸官奴婢年六

十已上及廢疾者並免賤

唐會要八十六

樂籍人應侍親病取中男充勅

音聾人及樂戶祖母老病應侍者取家內中男及丁

壯好手者充若無所取中丁其本司樂署博士及別

教子弟應充侍者先取戶內人及近親充

唐會要三十四

議繼嫡母服制勅

雖云嫡母終是繼母據理緣情須有定制付所司議

定奏聞

唐會要三十七

縣令內簡擇清望官勅

縣令有聲績可稱先宜進考員外郎侍御史京兆河

南判司及自餘清望官先於縣令內簡擇

唐會要八十一

貢舉人須先通道經孝經勅

自今已後道經孝經並為上經貢舉人並須兼通其

餘經及論語任依常式

冊府六百三十九

用上元舞勅

新造上元之舞先令大祀享皆將陳設自今以後園

正方澤太廟祀享然後用此舞餘祭並停

唐會要三十二

以禮停任官聽致仕勅

文武官五品已上老及病不因罪解并五品已上散

官以禮停任者聽同致仕

唐會要六十六

請置東宮史職表

臣聞漢書曰太子既冠成人乃有紀過之史今所以
冒敢陳聞請遵故實願置史職用為箴誡唐會要六十七

賜四臣贊

汎洪源俟舟楫戴至德飛九霄假六翮郝處俊咨啟沃罄

丹誠李敬玄竭忠節贊皇猷崔知悌

答玄琬書

辱師所示妙法四科循覽周環用深銘佩法師早祛
塵累遊神物表闡驚嶺之微言探龍宮之祕藏洞開
靈府凝照玄門固以高步彌天鄰畿初地遂能留情

博施開導蒙心理實義周詞華致遠包括今古網羅
內外訓誘之至審論之方縱聖達立言師傅弘道亦
未足髣髴要津擬議高論但行慈減殺順氣奉齋斯
乃仁人之心以成大慈之行謹當緘諸心府奉以周
旋永藉勝因用斯冥祐續高僧傳二十八

元堂帖

使至知元堂已成既得早了深以為慰不知諸作早
晚搃得斷手日月猶賒必須牢固數日來極熱卿等
檢校大應疲倦陵初料高一百一十尺今聞高一
百卅尺不知此事虛實今因使還故遣相問勅十五日

太子僻洛城帖

太子無事欲僻洛城西門仗聽更不須覆奏勅廿三日

過午帖

過午將審行宏福及倉糧悵乏絕戶數向衙裏來勅廿五日

文瓘帖

卿及文瓘處俊敬午前到九龍門來勅廿九日

平章事帖

昨日令卿等平章事遣作狀報何因不進勅六日

東都帖

今遣往東都逐生氣敬已下宮臣及隊仗至彼聽入於文思章善等門祇承啓事進食等物並聽其文思門宿衛處卿等共其相知檢校勅更不須覆奏廿六日

弔江叔帖

不審夜來冒氣何以想當漸散痢復斷未江叔所患竟不痊除奄然逝聞問悲痛哽咽何言相叔同氣之傷故當難處今故遣使往參一一無委謔

懷讓帖

懷讓患水邊身腫復利形勢極惡耶耶意多恐不濟
遺愛勞發大重氣候似少可於豆盧亦似難差傷念
不可言奴報其婦知也

按弔江叔懷讓兩帖閣帖收入太宗宋黃伯思以
爲高宗信是今從之

晚間帖

六尚書及尚書左右承侍郎殿中將作少府司農等
長官今日晚間並喚向衙裏來勅至德二日

並淳化閣帖

唐文拾遺卷之二

榮祿大夫三品頂戴前分巡廣東高廉道加四級臣陸心源輯

中宗皇帝

事蹟詳全唐文十六

依舊給功臣家所食實封制

功臣段志玄屈突通蕭瑀李靖秦叔寶長孫順德劉
弘基字文士及錢九隴程知節龐卿揮竇琮苑君璋
李子和張平高張公謹梁洛仁安修仁秦行師獨孤
彥雲蘇定方李安遠鄭仁泰杜君綽李孟嘗等二十
六家所食實封並依舊給

冊府五
百五

答權若訥手制

卿資孝踐忠懷才蹈義討論今古皆據典章循覽所

陳再三嘉尚

冊府

崇恩廟依舊享祭制

武氏崇恩廟依舊享祭仍置五品令七品丞吳順二

陵署令丞如太廟

唐會要二十一

禁節日進奉制

自今應是諸節日及生日並不得輒有進奉又所在

五月五日非大功已上親不得輒相贈遺

唐會要二十九

封戶甚於征行勅

應食封邑者一百四十餘家應出封戶凡五十四州

皆天下膏腴物產其安樂太平公主封又取富戶不

在損免限百姓著封戶甚於征行

冊府五百五

依例送戶籍勅

勅諸籍應送省者附當州庸調車送若庸調不入京

雇腳運送所須腳直以官物充諸州縣籍手實計帳

常留五比省籍留九比其遠年依次除皇宗祖廟難

毀其子孫皆於宗正附籍自外悉依百姓例

冊府四百八十六

功賞依格式勅

應酬功賞須依格式格式無文然始比例其制勅不言自今以後永爲常式者不得攀引爲例

唐會要三十九

禁擒捕鳥雀勅

鳥雀昆蟲之屬不得擒捕以求贖生犯者先決三十宜令金吾及縣市司嚴加禁斷

唐會要四十一

冊立使不得差蕃官勅

應差冊立諸國使並須選擇漢官不得差蕃官去

唐會要五十九

京外遞相移易勅

內外之職出入須均更遞往來始聞政治京官中有

才幹堪治人者量與外官外官中有清慎著稱者量

與京職

唐會要六十八

檢校市事勅

諸非州縣之所不得置市其市當以午時擊鼓二百下而眾大會日入前七刻擊鉦三百下散其州縣領務少處不欲設鉦鼓聽之車駕行幸處卽於頓側立市官差一人權檢校市事其月兩京市諸行自有正鋪者不得于鋪前更造偏鋪各聽用尋常一樣偏廂諸行以濫物交易者沒官諸在市及人眾中相驚動令擾亂者杖八十

唐會要八十六

答唐紹手勅

乾陵每歲正旦冬至寒食遣外使去二忌日遣內使去其諸陵並依來表

唐會要二十

諸陵供擬不得差派勅

諸陵所使來往宜令所司預料所須送納陵署仍令署官檢校隨事供擬不得差百戶私備支承

唐會要二十一

定仗下奏事例勅

仗下奏事人宜對中書門下奏若有祕密未應揚露及太史官不在此限

唐會要二十五

奏事先進狀勅

諸司欲奏大事並向前三日錄所奏狀一本先進令長官親押判官對仗面奏其御史彈事亦先進狀

同上

給諸門交魚符勅

宮殿門皇城門京城門禁苑門左右內外各給交魚符一合巡魚符一合左廂給開門魚一合右廂給閉門魚一合左符付監門掌交番巡察每夜并非時開閉則用之

唐會要三十

免樂籍人科徭勅

太常樂鼓吹散樂音聲人並是諸色供奉乃祭祀陳設嚴警鹵簿等用須有矜恤宜免征徭雜科

唐會要三十三

優恤功臣子孫勅

自宏道以前經任相三年已上及秦府晉府寮佐四品已上並食實封功臣雖經罪責不致破家子孫無任京官者特宜優與一官英府周府舊寮五品已上子孫亦宜準此

唐會要四十五

處分理訴勅

諸色理訴兼抑論內狀出付中書應制勅處分者當為商量自餘並封本狀牒送所司處分

唐會要五十四

定內宴供食例勅

內宴王公日尚食局進供客食於閣門付品官將入

其局官等非別勅喚不得輒自下飲食

唐會要六十五

員外官分判曹事勅

內外員外官及檢校試官宜令本司長官量閑劇取資歷請與舊人分判曹事自外並不在判事之限其長官副貳官不在此限

唐會要六十七

巡警街鋪勅

諸街鋪並令左右金吾中郎將自巡仍各加果毅兩人助巡隊

唐會要七十一

羽林飛騎厨食准國子監例勅

左右羽林飛騎厨食准國子監例委軍司自定官典

押當唐會要七十二

任滿依本資選敘勅

六品已上官緣州縣改入上中下階品與元授不同者宜休舊任考滿日依本資選敘不須改動者唐會要八

定女樂部數勅

三品已上聽有女樂一部五品已上女樂不過三人皆不得有鐘磬唐會要三十四

准蕃人讀書國子學勅

吐蕃王及可汗子孫欲習學經業宜附國子學讀書

唐會要三十六

答盧粲諫為武崇訓造陵勅

安樂公主與永泰無異同穴之義今古不殊魯王陵緣此特為陵制不煩固執唐會要二十一

別庫貯錢市物勅

少府季別先出錢二千員別庫貯每別勅索物庫內無者即令市進皆須對主付值不得且令供物於後還錢其錢兼以絹布絲繡充數其祠進明衣及布亦用此物充唐會要六十六

睿宗皇帝

事蹟詳全唐文十八

進狀題時刻敕

南衙北門及諸門進狀及封狀意見及降墨敕並于狀上書題時刻夜題更籌

唐會要二十六

禁諸節賀遺敕

太子及諸王公主諸節賀遺並宜禁斷惟降誕日及五月五日任其進奉仍不得廣有營造但進衣裳而已諸親及百官一切不得進

唐會要二十九

令史資勞敕

內侍省令史資勞宜同殿中省令史其五局令史同

殿中省諸局

唐會要六十五

部送太常所須粢盛勅

太常寺所須粢盛今總計科定每年所司差綱一人典二人一時部送不得更有零疊亦不得輒差使催

同上

常參官廊下設食勅

左右廂南衙廊中食每日常參官職事五品以上及員外郎供一百盤羊三口餘賜中書門下供奉官及監察御史太常博士百官每日常供具三羊六參日節日加羊一口冬月量造湯餅及黍臠夏月冷淘粉

粥其栗黃文桃梨榴溼柿等擇不堪供進者亦供衙前食若御內坐當參日卽於外廊設食并給門下中書有餘賜供奉官六品以下及在仗三衛主兵帥漏生漏刻直官等食不須迴折東宮衙前食並准此仍每坐日職事五品以上賜食供四日五盤有餘賜左右春坊供奉官詹事直若非坐日設三盤諸節日應設食者准料卽造不須奏聞其斷屠日各於衙內設兩口羊食其六品以下於光祿食者每正冬寒食三節皆給餅肉作節食

上同

向覆兩京四庫書勅

兩京四庫書每年正月據舊書聞奏每三年比部勾覆具官典及攝官替代之日據數交領如有欠少卽徵後人

唐會要三十五

令百司尋覽格令勅

律令格式爲政之本內外官人退食之暇各宜尋覽仍以當司格令書于廳事之壁俯仰觀瞻使免遺忘

唐會要三十九

御承天門樓賜食勅

每御承天門樓朝官應合食并蕃客辭見並令光祿准舊例於朝堂廊下賜食其朝官食迴衙內食充

唐會

要六十五

押仗奏平安勅

左右衛將軍縱非當上日每日一人押仗其左右金吾將軍亦一人押仗奏平安

唐會要七十一

勒還游客勅

游客官人子弟勒還本貫十日外杖一百居停同罪

須覲問即陳牒給假發遣

唐會要八十二

元宗皇帝

事蹟詳全唐文二十

命馬懷素侍讀制

春卿入講道盛儒學德璉賦詩義均師友光祿卿馬懷素靜專動直資忠履信詞賦成於鼓吹典墳富於泉海絕韋勵精重席待問豈止本仁祖義行先王之道故亦謙退謹密多君子之風朕於聽政之餘嘗思稽古之對俾遷近侍潤茲鴻業可左散騎常侍仍每日入朝侍讀

冊府五百九十九

授嵩陽觀道士崔泌太子洗馬制

前刑部員外郎嵩陽觀道士崔泌門承貴仕志慕元宗頃辭簪紱之榮遂託囂塵之外棲遲隱釣獨往忘歸雖高尚之風雅正於浮俗而精賁之道申寵於幽

八 人宜迴紫洞之游俾在青宮之列可太子洗馬冊府九十

答劉彤制

朕夙敬之志惟在味爽卿重慎之誠欲及辨色國體宜爾用納良規然要須早朝稍盡夜漏耳

以理去職具名錄奏制

曾任五品以上清資官以理去職者所司具錄名奏老病不堪釐務者與致仕唐會要六十七

授顏元孫滁州刺史制

仰並早升清要特擅風規往牧黎人宜榮刺舉可依

前件主者施行黃本顏魯公文集

授顏真卿監察御史制

長安尉顏真卿文學擅於登科器幹彰於適用宜先汗簡之職俾著埋輪之效可依前件主者施行同上

擇使觀察風俗制

古者三載考績黜幽陟明允升大猷以口勸天下比來諸道所通善狀但優仕進之輩與為選調之資責實循名或乖古義自今已後諸道使更不須通善狀每至三年朕當自擇使者觀察風俗有清白政理者當別擇用冊府六百三十五

宣光景元四陵置官制

伏以八代祖宣皇帝七代祖光皇帝六代祖景皇帝
五代祖元皇帝自昔追尊號諡稽古有則而陵寢所
奉須廣彝章其建初啟運二陵仍准興寧陵例置官
及陵戶自今已後每歲至春秋仲月宜分命公卿准
諸陵例分往巡謁仍命所司准數造輅於陵署收掌
以充備禮之用其建初啟運興寧永康等四陵年別
四時及八節委所由州縣數與陵署相知造食進獻
唐會要
二十

貶田仁琬舒州刺史制

田仁琬忝居節度鎮守西陲不能振舉師律緝寧夷
夏而乃公行暴政不務恤人撓亂要荒畧無承稟邊
官之責職爾之由宜黜遠藩用誠邊使可舒州刺史

卽馳驛赴任

冊府四
百五十

賜宋璟手制

所進之言書之座右出入觀省以鑒誠終身

唐會要

試崇元生各減一條制

崇元生試及帖冊各減一條三年業成始依常式

冊

六百
四十

傳來歲江淮漕運制

所運糧儲本資國用太倉今既餘羨江淮轉輸艱勞務在從宜何必舊數其來載水陸運入京宜並停冊

禁止義倉變造詔

州縣義倉本備饑年賑給近年以來每三年一度以百姓義倉糴米遠送京納仍勒百姓私出腳錢自今以後更不得以義倉變造唐會要八十八

封華山詔

以今載十一月有事華山中書門下及禮官詳議儀注奏聞務從省便冊府三十六

禁東都用錢變動詔

如聞東都用錢漸有變動留守及河南尹作何檢校宜勅劉知柔單思遠稍自助勵嚴加捉搦冊府五百一

季俸先給錢詔

近斷惡錢恐人家少錢行用其兩京文武官夏季防閑庶僕宜即先給錢待後季任取所配物貨賣准數還官同上

銷毀惡錢詔

禁斷惡錢改鑄新者務於精好行之久長如聞諸道置鑄御史專掌未稱所委仍有濫惡且更提振不即

加罪有先鑄不如法總重毀鍊并已納太府者並令更揀擇不合樣送所由重鑄已後倍須在意不得更然兩京少府並准此

同上

官收惡錢詔

比來所市惡錢畧計數應未盡本欲防其私鑄務在總納於官若博換尚多則須擡估價百姓情願出惡錢一千文計秤滿六斤卽官以好錢三百文博取無好錢處依特估折布絹雜物每季終各令隨近送納鑄錢仍申主者勘會

同上

求言詔

比令百官更直待制期於讜議時納箴規不聞一言甚無謂也凡百庶僚宜體朕懷各盡昌言以副虛佇

唐會要二十六

定三恪詔

自古帝王建邦受命必敬先代以循舊章曰予嘉客肅雍成性溫潤合理雅有助祭之容宛是宜邦之具

冊府一百七十三

案全文三十九卷加尊號敕文佚曰予嘉客以下

四句

黃昇進奉先縣職望詔

黃長軒臺漢尊陵邑名教之地因心爲則宜進奉先
縣職望班員一同赤縣所管萬三百戶以供陵寢卽
爲永例

唐會要
二十一

京官考滿選例詔

京官考滿帶祿選有本司要籍奏留請不用闕者選
數不須與成勞

冊府六百
三十五

陳許豫壽四州分地均耕詔

陳許豫壽等四州本開稻田將利百姓慶其收穫其
役功庸何如分地均耕令人自種先所置屯田宜並
定其地量給逃還及貧下百姓

冊府五
百三

三皇以前置廟詔

天皇氏地皇氏人皇氏有巢氏燧人氏其祭料及樂
請准三皇五帝廟以春秋二時享祭

唐會要
二十二

案全文三十九卷加應道尊號赦文佚此三十四

字

改定山水名稱詔

天下山水名稱或同義且不經多因於里諺事若仍
舊何成於禹別宜所司各據圖籍改定訖聞奏

會要
五十九

流宋渾嶺南詔

渾幸因門緒累升榮秩頃委以澄清擢居風憲而公

心有害私慾彌彰冒法受贓既墜於家業敗名徇利
載犯於國章特申念舊之恩俾從流放之典宜除名
長流嶺南高要郡冊府四百八十二

舉人不得充鄉賦詔

天下舉人不得充鄉賦皆須補國子學生及郡縣學
生然後聽舉四門俊士停冊府六百四十四

委採訪使具官人善惡詔

三載黜陟百王令典殿最之迹廉問攸歸欲更別遣
使臣慮有煩擾今載宜委本道採訪使具官人善惡
奏聞以申勸沮冊府六百三十五

流李彭年嶺南詔

彭年幸以資序累登清貫委之銓綜任以權衡不能
徇公減私持平守直而乃貪財敗類贖貨無厭既玷
清朝有冒法度頃令推鞠皆自款承據其罪名合當
殊死但以陽和布令善貨好生特捨嚴刑俾從流竄
宜除名長流嶺南臨賀郡仍卽差綱馳驛領送朕以
爲制理之本期返淳風庶叶至公期於不犯永言議
罪良用憮然其陳力就列本於正己從事劾官義存
守法爲惡者與眾共棄務善者以才必升凡百庶僚
深宜自勉立身之道可不慎歟冊府六百三十八

賜澤州刺史李泌詔

今荆南都會粵在灋陽俾人歸原惟賢是牧以爾文
可以化成風俗政可以全活惇慈爰命頒條期乎其
理無薄淮陽之守勉思渤海之功冊府六百七十一

聽工部尚書元懷景致仕詔

懷景朝廷舊德光陰遲暮宜聽致仕遂其頤攝

監司每月具宮內用數勅

總監每年支雜物到其鈔數於本門進若宮內所須
別索供訖每月終宜令監司具破用數進唐會要六十六
制表年月作一二等字勅

制勅表狀書牋牒年月等數作一十二二十三十四十

字唐會要二十六

都督刺史面辭勅

自今已後都督刺史每欲赴任皆引面辭朕當親與
疇咨用觀方略至任之後宜待四考滿隨事褒貶與
之改轉唐會要六十九

禁賜醕聚斂勅

賜醕合宴止欲與人同歡廣為聚斂固非取樂之意
今後宴會所作山車旱船結綵樓閣寶車等俱是無
用之物並宜禁斷唐會要二十九

諸蕃使次第入朝勅

諸蕃使都府管羈縻州其數極廣每州遣使朝集頗成勞擾應須朝賀委當蕃都督與上佐及管內刺史自相通融明為次第每年一蕃令一人入朝給左右不得過二人仍各分頒諸州貢物於都府點檢一時錄奏

唐會要

二十四

禁朝參不著珂繖勅

文武官朝參著袴褶珂繖者其有不著入班者各奪一月俸若無故不到者奪一季祿其行香拜表不到亦准此類犯者量事貶降其衣冠珂繖乃許著到曹

司

唐會要

二十四

京官兩人隨仗勅

京清官及朝集使六品已上每日兩人隨仗待制供奉及宿衛官不在此例

唐會要

二十六

太廟五饗揀擇德望通攝勅

太廟每至五饗之日應攝三公令中書門下及丞相師傅尚書御史大夫嗣王郡王中揀擇德望高者通攝餘司不在差限

唐會要

卷十七

分別銓授勅

六品以下官令所司補授其員外郎御史並餘供奉

官宜進名勅授

冊府六百三十

揀擇太廟室長勅

太廟九室室長各三人於見任齋郎中揀擇有景行

請閑儀注者送名禮部奏補仍給厨食滿十年與官

唐會要十七

太廟薦享加牙盤勅

每月朔望日宜令尙食薦太廟每一室一牙盤內官

薦享仍五日一開門灑掃

同上

職田租不得過六斗勅

天下諸州縣并府鎮戍官等職田四至頃畝造帳申

省仍依元租價對定六斗已下者依舊定已上者不

得過六斗不毛者畝二斗

唐會要九十二

禁保識官偽濫勅

諸色選人納紙保後五日內其保識官各於當司具

名品并所在人州貫頭銜都爲一牒報選司若有偽

濫先用闕然後准式處分

冊府六百三十

要官之子年少不得授縣官勅

要官兒子少年未經事者不得作縣官親人

同上

改轉員闕勅

諸州都督刺史上佐等官員闕非安穩者所授官在

任經一考已上宜量與改轉同上

禁斷內外官守闕勅

內外官考未滿所司預補替人名為守闕特宜禁斷
縱後有闕所由不得令上冊府六百三十五

享宗廟差攝三公官勅

享宗廟差左右丞相尚書嗣王郡王攝三公行事若
人數不足通取諸司三品以上長官自餘祭享差諸
司長官及五品以下清官唐會要十七

宗廟加籩豆勅

宗廟祭享籩豆宜加麋鹿鶉兔野雞等料夏秋供腊

春冬供鮮仍令所司祭前一日具數申省准料令殿
中省供送同上

處置二王後子孫承襲例勅

勅二王後有賓者會賜同京官正三品其夫人亦同
諸王公以下無子孫以兄弟為後曾經侍養者聽承
襲贈爵者亦准此若死王事雖不曾侍養亦聽承襲其二王
後犯罪當除爵者改立次賢冊府一百七十三

贈太子廟令子孫主祭勅

諸贈太子須寺官為主廟并致享祀雖禮欲歸厚而
情實未安蒸嘗之時子孫不預若專令官祭是以疎

閒親遂此為常豈云教孝其諸贈太子有後者但官
置廟各令子孫自主祭其署及官悉停若無後者宜
依舊冊府六百二十一

諸郡員外官依式給料勅

諸郡員外官無闕職處均取正官料給錢數不定頗
為勞費自今已後闕料官及員外官依式取官錢準
給

逃人復業放免當年租庸勅

諸州逃人先除籍帳能自歸復業者其應徵當年租
庸資課一事已上並宜放免其隱漏舉放改正人等

亦宜准此冊府四百八十六

五官品進狀勅

五品以上要官若緣兵馬要事須面奏陳聽其餘常
務並令進狀唐會要二十五

嶺南北黔府管內闕官選例勅

應南州每府同一解嶺北州及黔府管內州每州同
一解各令所管勘責出身由歷選數考課優勞等級
作簿書先申省省司應選人曹名考第一事已上明
造歷子選使與本司對勘定訖便結階定品署印牒
付選使其每至選時皆須先定所擬官使司團奏後

所司理覆同但憑進畫應給籤告所司為寫限使奏
勅到六十日內寫了差專使送付黔桂等州州司送
本州府分付冊府六
百三十

糊名試判勅

勅今年吏部選人宜依例糊名試判臨時考等第奏

聞同上

改田地四至為路勅

自今已後應造籍帳及公私文書所言田地四至者
改為路冊府四百
八十六



唐文拾遺卷之三

榮祿大夫三品頂戴前分巡廣東高廉道加四級臣陸心源輯

元宗皇帝

給京司文武防閣士力白直勅

王公已下視品國官及京官五品已下每月別給仗
身悉停凡京司文武職事官五品已上給防閣一品
九十二品七十三品四十四品三十五品二十六品
六人二品二人八人四品二人五品四人六品
已下給庶僕六品五人七品四人八品三人九品二人
士八十郡主人六十縣主人四十特封縣主人四十京官任
兩職者從多給凡州縣皆有白直二品四人三品十

二四品二十五品十六六品十七品六八品五九品
四凡諸親王府屬並給士力數如白直其防閤庶僕
白直士力納課者每年不過二千五百執衣元不過
一千文防閤庶僕舊制季分月俸食料雜用即月分
諸官應月給冊府五

公卿巡陵依常式勅

每年春秋二時公卿巡陵初發准式其儀仗出城欲
至陵所十里內還具儀仗所須馬以當界府驛馬充
其路次供遞車兩來載儀仗推輅三十人餘差遣並
停所司別供須依常式唐會要二十

六陵進羊口勅

獻昭乾定橋恭六陵朔望上食歲冬至寒食日各設
一祭如節祭其朔望日相逢依節祭料橋陵除此日
外仍每日進半口羊食唐會要二十一

四陵造食進狀勅

其建初啟運興甯永康四陵每年四時八節委所司
判與陵署相知造食進獻同上

不移封內舊墳勅

諸陵使至先立封封內有舊墳墓不可移改自今以
後不得更有埋葬同上

禁上墓燕樂勅

凡庶之中情禮多闕寒食上墓便為燕樂者見任官
與下考前資殿三年白身人決一頓

唐會要
二十三

先給明衣絹布勅

承前所給明衣多於齋夕付物既不先造徒有其名
自今以後明衣絹布並祀前五日先給付監祭使具
點閱仍永為常式

同上

朝集限日勅

諸督刺史上佐每年分蕃朝集限十月二十五日到
京十一月一日見

唐會要
二十四

陳設諸王便坐勅

諸王入朝及別恩近至朝參日未入閒于便近處坐

仍令所司陳設

唐會要
二十五

諸州貢人限數勅

應諸州貢人上州歲貢三人中州二人下州一人必
有才行不限其數其所貢之人將申送一日行鄉飲
酒禮牲用少牢以現物充

唐會要
二十六

奏事牒所進門勅

諸司進狀奏事並長官封題進仍令本司牒所進門
并差一官送進諸奏事亦准此中書門下御史臺不

卷三
三
須引牒其有告謀大逆者任自封進除此之外不得
為進如有違者并先決杖三十

唐會要
二十六

行幸起居勅

三都留守兩京每月一起居北都每季一起居並遣
使即行幸未至所幸處其三都留守及京官五品已
上三日一起居若暫出行幸發處留守亦准此並遞

表

唐會要
二十六

代行朝集使勅

諸州朝集使長官上佐分蕃入計如次到有故判司
代行未經考者不在禁限其員外同正員次正官後

集

唐會要
二十四

嶺南五府不朝集勅

嶺南五府管內郡武安萬安等三十二州不在朝集
之限其承前貢物者並附都府貢進

同上

邊要州不在朝集勅

靈勝涼相代黔嶺豐洮朔蔚媯檀安東疊廓蘭鄯甘
肅瓜沙嵐鹽翼戎慎威西牢當郎茂驩安北庭單于
會河岷扶拓安西靜悉姚雅播容燕順忻平靈臨薊
等五十九州為邊州揚益幽潞荆秦夏汴澧廣桂安
十二州為要州都督刺史並不在朝集之例

唐會要
二十四

袴褶制度勅

應諸服袴褶者五品已上通用紬綾及羅六品已下
 小綾除幘頭外不得服羅縠及著獨窠繡綾婦人服
 飾各依夫子五等以上諸親婦女及五品已上母妻
 通服紫九品已上母妻通服朱五品已上母妻衣腰
 襷標緣用錦繡流外及庶人不得著紬綾羅縠五色
 線鞞履凡襪色衣不過十二破渾色衣不過六破帽
 子皆大露面不得有掩蔽正朝會及大禮陳設事緣
 供奉官攝官者並依攝官服之

唐會要
三十一

宰臣出鎮請朝官勅

宰臣自朝廷出鎮請朝官至侍御史已上者即許兼
 章服便為久例

同上

笏制勅

諸笏三品已上前屈後直五品已上前屈後挫並用
 象九品已上竹木上挫下方男以上聽依品爵執笏
 假板官依例

唐會要
三十二

禁追匠修理雜物勅

殿中鞍轡織扇及諸司雜物須修理造作者本司送
 至作所修理訖自往請受不得追匠就本司其不可
 送作司者給匠修理其物應納庫藏亦本司自送

同上

五年一易門戟勅

廟社宮門正一品開府儀同三司嗣王郡王上柱國柱國帶職事二品已上及京兆河南尹大都督大都護開國及護軍帶職事三品若下都督諸州門其門戟幡有破壞五年一易百官門不在官易之限薨者葬訖追納若子孫合給者聽準數留不足更給其以理去任及改為四品官非被貶責並不合追收上同

禁伎樂勅

自有隋頽靡庶政凋弊徵聲徧于鄭衛銜色矜于燕趙廣場角牴長袖從風聚而觀之寢以成俗此所以

戎王奪志夫子遂行也朕方大變澆訛用除災蠹眷

茲技樂事切驕淫傷風害政莫斯為甚既違令式尤

宜禁斷唐會要三十四

禁散樂巡村勅

散樂巡村特宜禁斷如有犯者并容止主人及村正決三十所由官附考奏其散樂人仍遞送本貫入重役上同

免教坊博士雜徭勅

內教坊博士及弟子須留長教者聽用資錢陪其所留人數本司量定申者為簿音聲內教坊博士及曹

第一第二博士房悉免雜徭本司不得驅使又音聲人得五品已上勳依令應除簿者非因征討得勳不在除簿之列同上

聽縣學生入四門學勅

諸州縣學生年二十五已下八品九品子若庶人生年二十一已下通一經已上及未通經精神通悟有文詞史學者每年銓量舉選所司簡試聽入四門學充俊士即諸州人省試不第情願入學者聽國子監所管學生尚書省補州縣學生長官補諸州縣學生專習正業之外仍令兼習吉凶禮公私禮有事處令

示儀式餘皆不得輒使許百姓任立私學欲寄縣州

受業者亦聽唐會要三十五

遞改明器墓田勅

古之送終所向乎儉其明器墓田等令于舊數內遞

減唐會要三十八

量貶左降官重犯勅

左降入考未滿閒重有犯應解免及放歸田里者並申奏更據狀輕重量貶若是五流及餘犯自依常法

唐會要四十一

決杖人發遣勅

自今已後准格及勅應合決杖人若有便流移左貶之色決訖許一月內將息然後發遣其緣惡逆指斥乘輿者臨時發遣同上

放周利貞等歸草澤勅

周利貞裴談張福貞張思敬王承劉暉楊允姜暉封行珣張知衛遂忠公孫珍鍾思廉等十三人皆為酷吏比周興來俊臣侯思立等事跡稍輕並宜放歸草澤終身勿齒同上

流酷吏來子珣等勅

周酷吏來子珣等身在者宜長流嶺南身沒子孫亦

不許仕陳嘉言魚承煜皇甫文備傅遊藝宜配嶺南身沒子孫亦不許仕同上

留歷生兩人勅

太史局歷生每番留兩人當上餘並七月一日上至

十月三十日下唐會要四十四

試天下僧尼誦經勅

有司試天下僧尼年六十已下者限誦二百紙經每一年限誦七十三紙三年一試落者還俗不得以坐禪對策義試諸寺三綱統宜入大寺院唐會要四十九

檢責僧尼勅

朕先知僧徒至弊故預塞其源不度人來向二十餘載訪聞在外有二十已下小僧尼宜令所司及府縣檢責處分唐會要四十九

禁釋道聚眾勅

惟彼釋道同歸凝寂各有寺觀自宜住持如聞遠就山林別為蘭若兼亦聚眾公然往來或妄說生緣輒在俗家居止卽宜一切禁斷同

差官送龍壁勅

每年春季鎮金龍玉殿功德事畢合獻投山水龍壁出日宜差散官給驛送合投州縣便取當處送出准

式投告

唐會要五十一

安置諸道眞容勅

諸道眞容近令每州於開元觀安置其當州及京兆河南太原等諸府有觀處亦各令本州府寫貌分送安置同

源乾曜等食實封勅

侍中源乾曜中書令張嘉貞兵部尙書張說等忠誠輔弼以致昇平褒德賞功先王制也自今已後中書門下宜供食實封三百戶自我禮賢爲百代法仍令所司卽令支給唐會要五十三

詳覆加階勅

加階入三品并授官及勳封甲并諸色闕等進畫出至門下省重加詳覆有駁正者便即落下墨塗訖仍於甲上具注事由并牒中書省

唐會要五十四

進封事不限旦晚勅

自今已後諫官所獻封事不限旦晚任封狀進來所由門司不得有停滯如須側門論事亦任隨狀面奏即便令引對如有除拜不稱於職詔令不便於時法禁乖宜刑賞未當征求無節冤抑在人並極論失無所迴避以稱朕意其常詔六品以上亦宜准此

唐會要五

五十

訴冤經尚書省勅

在京有訴冤者並於尚書省陳牒所由司為理若稽延致有屈滯者委左右丞及御史臺訪察聞奏如未經尚書省不得輒入于三司越訴

唐會要五十七

勅後起請連元勅後勅

尚書省諸司有勅後起請及勅付所司商量事並錄所請及商量狀送門下及中書省各連於元勅後所申仍于元勅年月前云起請及商量如後

同上

褚璆等稽滯案牘勅

尚書省天下政本仍令有司各言職事吏部員外郎褚璆等十人案牘稽滯璆稽四道戶部員外郎呂太一四道刑部員外郎崔廷玉二道兵部員外郎李廷言刑部郎中楊孚虞部郎中田再思各一道虞部員外郎崔賞三道且六官分事四方取則尚書郎皆是妙選須稱職司焉可尸祿悠悠曾無斷決昨者試令詢問遂有如此稽逋動即經年是何道理至如行判程限素標令式自今後各宜懲革再若有犯別當處分

唐會要五十八
按全文二十七所收戒諭褚璆詔與此文前半略

同疑別為一首

諸州庸調等簿留空紙勅

諸州每年應輸庸調資課租及諸色錢物等令尚書省本司豫印紙送部每年通為一處每州作一簿預皆量留空紙有色數並於腳下具書綱典姓名郎官印置如替代其簿遞相分付

同上
修長行旨條勅

以每年租稅雜支輕重不類令戶部修長行旨條五卷諸州刺史縣令替日並合令遞相交付省司每年但據應支物數進畫頒行附驛遞送其支配處分並

依旨文爲定

同上

文武互選定品勅

吏部選人請武選者宜取強壯身材六尺以上者籍年四十以下堪統領者其兵部選人請文選者宜取材堪治民工於書判並無負犯十二月內定品奏聞一送以後並不在卻關之限

唐會要五十九

侍郎專知武舉勅

所設武舉以求材實仕進之漸期爲根本取舍之間尤宜審慎比來所試但委郎官品位既卑焉稱其事自今以後應武舉人等宜令侍郎專知

同上

同州等注田收入長春宮勅

同蒲絳河東西并沙苑內無問新舊注田蒲萑並宜收入長春宮仍令長春宮使檢校

同上

專知傳驛官勅

專知傳驛官一差定後年限未終所由不得輒迴改并到差使及別報勾當

唐會要六十一

訪察驛馬淹留勅

兩京都亭驛應出使人三品已上及清要官驛馬到日不得淹留過時不發餘並令就驛進發左右巡御史專知訪察

同上

乘傳給券勅

如聞比來給使人為無傳馬還只乘驛從押傳遞事頗勞煩自今已後應乘傳者宜給紙券同上

御史出使勅

御史出使非充按察覆囚不得輒差判官其出使日皆於側門進狀取處唐會要六十二

申明御史出使格勅

御史出使舉正不法身苟不正焉能正人如聞州縣祇迎相望道路牧宰祇候僮僕不若作此威福其如禮何今後申明格勅不得更示威權同上

廣召能書勅

於秘書省昭文館兼廣召諸色能書者充皆親經御簡後又取前資常選三衛散官五品已上子孫各有年限依資甄敘唐會要六十四

褒貶學士修書勅

學士等入經三年已上為年深若校理精勤紕繆多正及不詳覆無所發明委修書使錄奏別加褒貶同上

禁請外醫療勅

尚藥局醫官王公已下不得輒奏請將外醫療唐會要六

五十

復內侍局勅

義方之訓固在親承太子既絕外朝中官自通禁省
有何殊異別立主司其內坊宜復內侍省為局同上

免內侍差科勅

內侍省內坊單身給使有品無品並免戶例差科同上

給內侍酒料勅

內侍將軍中郎內侍內給事五品已上官宜准宿衛

官給酒料同上

內侍遭憂勅

內侍省品官遭憂宜待終服還官勅上如有灼然要

籍者臨時奏同上

陵署考第隸太常勅

諸陵主衣主輦主藥每色各八員分為四番季上其
考第仍隸太常寺其陵署若更有執掌亦于此三色
內通融驅使同上

補擬諸道牧監官勅

諸道牧監官有關緊要者委本使簡擇明閑牧養者
奏付選司勘實補擬如非其材所由科貶經負犯者
不在奏補之限牧尉有關亦委使司差補申牒所由
如不足並申省司速訪補擬唐會要六十六

審詳犯官雪罪勅

內外官犯贓賄及私自侵漁入已至解免已上有訴合雪及減罪者並令大理審詳犯狀申刑部詳覆如實冤濫仍錄名送中書門下其有遠年斷雪近請除罪亦准此其餘具刑部格同上

官吏施門籍勅

鴻臚當司官吏以下各施門籍出入其譯語掌客出入客館者於長官下狀牒館門然後與監門相兼出入同上

藏官不攝外事勅

左右藏官典職在出納不得判攝外事及帖諸司同上

總監用錢自行勾當勅

總監破用錢物一事已上須南衙勾當宜令總監自勾每月進一本歷來內自勾勘同上

致仕官朝朔望勅

致仕官應物令所由送至宅三品已上並聽朝朔望唐會要六十七

子弟停官侍養勅

致仕官子弟無京官者其在外者聽一人停官侍養同上

伎術量與員外官勅

出身非伎術而以能任伎術官者聽量與員外官其
選敘考勞不須拘術例同上

禁邊蕃刺史請宿衛勅

嶺南及黔府管內諸州并蕃州檢校及攝刺史皆錄
奏待勅到然後准式其嶺南黔府蕃州等刺史在任
不得輒請宿衛唐會要六十八

佐史解限勅

州府及縣倉督府司佐史縣錄事里正等若有景行
明閑案牘任經十年不在解限唐會要六十九

北門定上中下三州勅唐會要六十九

太平時久戶口日殷宜以四萬戶已上為上州二萬
五千戶為中州不滿二萬戶為下州其六雄十望三
輔等及別勅同上州都督及畿內州並同上州緣邊
州三萬戶已上為上州二萬戶已上為中州其親王
任中州下州刺史者亦為上州王去任後仍舊唐會要七

定上中下縣勅

以六千戶已上為上縣三千戶已上為中縣不滿三
千戶為中下縣其赤畿望緊等縣不限戶數並為上

縣去京五百里內并緣邊州縣戶五千已上亦為上縣二千已上為中縣一千已上為中下縣同上

改幽為邠勅

魚魯變文荆并誤聽欲求辯惑必也正名改幽字為

邠

安置屯營勅

駕在京左右屯營宜於順義景風門內安置北衙亦著兩營大明北門安置一營大內北門安置一營駕在東都左右屯營於賓耀右掖門內安置兼於元武北門左右廂各據地界繞宮城分配宿衛唐會要七十二

四軍槍梢用紛勅內益其勅畢其巔南懸飾

右萬騎碧紛同

都護品位勅

單于安北等大都護親王遙領者加副大都護一人准從三品總知府事其副都護准正四品上長史正五品上司馬五品下唐會要七十三

侍講等官放選勅

王子未出閣者侍講侍讀侍文侍書並取見任官充經三周年放選與處分習藝館諸色內教通取前資

及常選人充經二年已上選日各於本色量減兩選
與處分左右衛三衛及五品以上子弟經七年雜衛
三衛經八年勳官經九年並放選與處分唐會要七十四

五品補擬劇司勅

繁劇司闕官有灼然要籍者聽牒選司於應得官人

內據材用資歷相當者先補擬

唐會要七十五

選限期勅

嶺南及黔中參選吏曹各文解每限五月三十日到
省八月三十日檢勅使子選使及選人限十月三十
日到選所正月三十日內銓注使畢其嶺南選補使

仍移桂州安置

同上

優復邊州客戶勅

應客戶有情願屬緣邊州者至彼給良沃田安置仍

給永年優復宜令所司郎與所管客戶州計會召取

情願者隨其所樂具數奏聞

冊府四百八十六

出身人給告牒勅

諸色出身人銓試訖應常選者當年當色各為一甲

團奏給告牒過百人已上分不滿五人附入甲

唐會要七

五十

諸蕃共為一甲勅

諸蕃應授內外文武官及留宿衛長上者其為一甲其放還蕃者別為一甲仍具形狀年幾同為一奏同上

改注考校失錯勅

應授官考校敘功累勳有失錯者門下省詳覆有憑即為改注同上

禁容許附貫貢舉勅

諸州貢舉皆於本貫籍分信明者然後依例不得於所附貫便求申送如有此色所由州縣即便催科不得遞相容許唐會要七十六

宏文等生依令式勅

宏文崇文生緣是貴胄子孫多有不專經業便與及第深謂不然自今已後一依令式考試唐會要七十七

諸道判官三年滿限勅

諸道採訪使判官等自今已後並須首末經三年其緣事故停不得滿年限者承優節文準開元二十四年二月十九日勅處分唐會要七十八

採訪使入奏勅

採訪使等所資按部恤隱求瘼巡撫處多事須周細不可匆遽徒有往來宜準刺史例入奏同上

七道節度置木契勅

平盧軍幽州太原朔方河西隴右劍南等七道節度使宜各置木契行勘同上

駙馬階仍借金紫勅

官不濫昇才無虛□惟名與器不可以假人左賢右戚豈資於繆賞駙馬都尉從五品階受自先朝頗虧前式穠華甫降紫艾先登不循舊章有紊彙典宜遵古訓以革踰弊俾九族無私干官有敘自今已後駙馬階宜依令式仍借紫金魚袋唐會要八十一

殿最刺史勅

刺史能否郎官御史出日較量殿最定為五等奏聞

考集日考使與左右丞戶部長官重詳覆類例考限內錄奏以憑升黜同上

專知甲庫勅

尚書省內諸制勅庫及兵部吏部考功刑部簿書景跡并甲庫每司定員外郎主事各一人中書門下制勅甲庫各定主書錄事已下各一人專知周年一替中間不得改移唐會要八十二

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

甲聞不辭也

